


# Deporte Local

Den e Campeonato Centro Americano y del Caribe Hubenil U-16 y U-21 na Panama City

## Bolichera Kamilah Dammers a logra prolonga su titulo



ORANJESTAD (AAN)--- Aña pasa e bolichera Kamilah Dammers a logra medaya di oro den e campeonato Central American & Caribbean Bowling Confederation Youth Championship Sub 16 y Sub 21 cu a tuma lugar na San Jose, Costa Rica. E aña aki e hoben Dammers tabata determina pa defende su titulo den e categoria U-21 na Panama City, Panama.

Mester bisa cu hungando un wega den forma consistente, e hoben Dammers a tene su contrincantenan mas cercano su tras pa asina prolonga e titulo di campeon den e categoria femenino U-21, esaki pa su di dos medaya di oro den e competencia aki.

Remarcabel ta cu Kamilah Dammers ta studiando actualmente na Webber University, Merca unda e

ta combina su estudio y su deporte. Dammers a conoce un bon temporada den bowling unda ela logra obtene varios titulo cu su scol. Como Aruba su Deportista di Aña 2013, Kamilah a conoce un progreso enorme den e deporte di bowling, esaki mas cu claro ta danki tambe na e federacion di bowling, ARBAS kende tabata e motor tras di formacion como atleta di Kamilah.

Minister di Deporte, Dr. Alex Schwengle y Lotto pa Deporte kende a percura pa e subsidio di e delegacion di Aruba kier a felicita e atleta Kamilah Dammers cu su prolongacion di e medaya di oro obteni den e Central American & Caribbean Bowling Confederation Youth Championship Sub 21 na Panama City.